


2

# Filipino

## Unang Markahan – Modyul 2: Magagalang na Pananalita at Pagbati



**Filipino – Ikalawang Baitang  
Alternative Delivery Mode  
Unang Markahan – Modyul 2: Magagalang na Pananalita at Pagbati  
Unang Edisyon, 2020**

Isinasaad sa Batas Republika 8293, Seksiyon 176 na: Hindi maaaring magkaroon ng karapatang-sipi sa anomang akda ang Pamahalaan ng Pilipinas. Gayonpaman, kailangan muna ang pahintulot ng ahensiya o tanggapan ng pamahalaan na naghanda ng akda kung ito ay pagkakakitaan. Kabilang sa mga maaaring gawin ng nasabing ahensiya o tanggapan ay ang pagtakda ng kaukulang bayad.

Ang mga akda (kuwento, seleksiyon, tula, awit, larawan, ngalan ng produkto o brand name, tatak o trademark, palabas sa telebisyon, pelikula, atbp.) na ginamit sa modyul na ito ay nagtataglay ng karapatang-ari ng mga iyon. Pinagsumikapang matunton ang mga ito upang makuha ang pahintulot sa paggamit ng materyales. Hindi inaangkin ng mga tagapaglathala at mga may-akda ang karapatang-aring iyon. Ang anomang gamit maliban sa modyul na ito ay kinakailangan ng pahintulot mula sa mga orihinal na may-akda ng mga ito.

Walang anomang parte ng materyales na ito ang maaaring kopyahin o ilimbag sa anomang paraan nang walang pahintulot sa kagawaran.

Inilathala ng Kagawaran ng Edukasyon  
Kalihim: Leonor Magtolis Briones  
Pangalawang Kalihim: Diosdado M. San Antonio

**Bumuo sa Pagsusulat ng Modyul**

**Manunulat:** Cristina T. Fangon

**Editor:** Elena V. Almario, Cita C. Merla, Marie Ann C. Ligsay PhD

**Tagasuri:** Marcela S. Sanchez, Racy V. Troy, Marie Ann C. Ligsay PhD

**Tagaguhit:** Jeanette H. Payson, Lynzee Monta

**Tagalapat:** Cristina T. Fangon

**Tagapamahala:** Nicolas T. Capulong PhD, CESO V

Librada M. Rubio PhD

Ma. Editha R. Caparas EdD

Nestor P. Nuesca EdD

Merlinda T. Tablan EdD

Ellen C. Macaraeg EdD

Elena V. Almario

**Inilimbag sa Republika ng Pilipinas ng \_\_\_\_\_**

**Kagawaran ng Edukasyon – Rehiyon III**

Office Address: Matalino St., Government Center, Maimpis, City of San Fernando

Telefax: (045) 598-8580 to 8

E-mail Address: region3@deped.gov.ph

# **Filipino**

**Unang Markahan – Modyul 2:  
Magagalang na Pananalita at  
Pagbati**

# Paunang Salita

Para sa tagapagdaloy:

Malugod na pagtanggap sa asignaturang Filipino 2 ng Alternative Delivery Mode (ADM) Modyul para sa araling Magagalang na Pananalita at Pagbati!

Ang modyul na ito ay pinagtutulungang dinisenyo, nilinang at sinuri ng mga edukador mula sa pampubliko at pampribadong institusyon upang gabayan ka, ang gurong tagapagdaloy upang matulungang makamit ng mag-aaral ang pamantayang itinakda ng Kurikulum ng K to12 habang kanilang pinanagumpayan ang pansarili, panlipunan at pang-ekonomikong hamon sa pag-aaral.

Ang tulong-aral na ito ay umaasang makauugnay ang mag-aaral sa mapatnubay at malayang pagkatuto sa mga gawain ayon sa kanilang kakayahan, bilis at oras. Naglalayon din itong matulungan ang mag-aaral upang makamit ang mga kasanayang pan-21 siglo habang isinasaalang-alang ang kanilang mga pangangailangan at kalagayan.

Bilang karagdagan sa materyal ng pangunahing teksto, makikita ninyo ang kahong ito sa pinakakatawan ng modyul:



## ***Mga Tala para sa Guro***

Ito'y naglalaman ng mga paalala, panulong o estratehiyang magagamit sa paggabay sa mag-aaral.









Bilang tagapagdaloy, inaasahang bibigyan mo ng paunang kaalaman ang mag-aaral kung paano gamitin ang modyul na ito. Kinakailangan ding subaybayan at itala ang pag-unlad nila habang hinahayaan silang pamahalaan ang kanilang sariling pagkatuto. Bukod dito, inaasahan mula sa iyo na higit pang hikayatin at gabayan ang mag-aaral habang isinasagawa ang mga gawaing nakapaloob sa modyul.




Para sa mag-aaral:

Malugod na pagtanggap sa Filipino 2 ng Alternative Delivery Mode (ADM) Modyul ukol sa Magagalang na Pananalita at Pagbati!

Ang modyul na ito ay ginawa bilang tugon sa iyong pangangailangan. Layunin nitong matulungan ka sa iyong pag-aaral habang wala ka sa loob ng silid-aralan. Hangad din nitong madulutan ka ng mga makabuluhang oportunidad sa pagkatuto.

Ang modyul na ito ay may mga bahagi at icon na dapat mong maunawaan.

 <b>Alamin</b>	Sa bahaging ito, malalaman mo ang mga dapat mong matutuhan sa modyul.
 <b>Subukin</b>	Sa pagsusulit na ito, makikita natin kung ano na ang kaalaman mo sa aralin ng modyul. Kung nakuha mo ang lahat ng tamang sagot (100%), maaari mong laktawan ang bahaging ito ng modyul.
 <b>Balikan</b>	Ito ay maikling pagsasanay o balik-aral upang matulungan kang maiugnay ang kasalukuyang aralin sa naunang leksyon.
 <b>Tuklasin</b>	Sa bahaging ito, ang bagong aralin ay ipakikilala sa iyo sa maraming paraan tulad ng isang kuwento, awitin, tula, pambukas na suliranin, gawain o isang sitwasyon.
 <b>Suriin</b>	Sa seksyong ito, bibigyan ka ng maikling pagtalakay sa aralin. Layunin nitong matulungan kang maunawaan ang bagong konsepto at mga kasanayan.
 <b>Pagyamanin</b>	Binubuo ito ng mga gawaing para sa malayang pagsasanay upang mapagtibay ang iyong pang-unawa at mga kasanayan sa paksa. Maaari mong iwasto ang mga sagot mo sa pagsasanay gamit ang susi sa pagwawasto sa huling bahagi ng modyul.
 <b>Isaisip</b>	Naglalaman ito ng mga katanungan o pupunan ang patlang ng pangungusap o talata upang maproseso kung anong natutuhan mo mula sa aralin.
 <b>Isagawa</b>	Ito ay naglalaman ng gawaing makatutulong sa iyo upang maisalin ang bagong kaalaman o kasanayan sa tunay na sitwasyon o realidad ng buhay.

 <b>Tayahin</b>	Ito ay gawain na naglalayong matasa o masukat ang antas ng pagkatuto sa pagkamit ng natutuhang kompetensi.
 <b>Karagdagang Gawain</b>	Sa bahaging ito, may ibibigay sa iyong panibagong gawain upang pagyamanin ang iyong kaalaman o kasanayan sa natutuhang aralin.
 <b>Susi sa Pagwawasto</b>	Naglalaman ito ng mga tamang sagot sa lahat ng mga gawain sa modyul.

Sa katapusan ng modyul na ito, makikita mo rin ang:

### **Sanggunian**

Ito ang talaan ng lahat ng pinagkuhanan sa paglikha o paglinang ng modyul na ito.

Ang sumusunod ay mahahalagang paalala sa paggamit ng modyul na ito:

1. Gamitin ang modyul nang may pag-iingat. Huwag lalagyan ng anomang marka o sulat ang anomang bahagi ng modyul. Gumamit ng hiwalay na papel sa pagsagot sa mga pagsasanay.
2. Huwag kalimutang sagutin ang *Subukin* bago lumipat sa iba pang gawaing napapaloob sa modyul.
3. Basahing mabuti ang mga panuto bago gawin ang bawat pagsasanay.
4. Obserbahan ang katapatan at integridad sa pagsasagawa ng mga gawain at sa pagwawasto ng mga kasagutan.
5. Tapusin ang kasalukuyang gawain bago pumunta sa iba pang pagsasanay.
6. Pakibalik ang modyul na ito sa iyong guro o tagapagdaloy kung tapos nang sagutin lahat ng pagsasanay.

Kung sakaling ikaw ay mahirapang sagutin ang mga gawain sa modyul na ito, huwag mag-aalinlangang konsultahin ang inyong guro o tagapagdaloy. Maaari ka ring humingi ng tulong kay nanay o tatay, o sa nakatatanda mong kapatid o sino man sa iyong mga kasama sa bahay na mas nakatatanda sa iyo. Laging itanim sa iyong isipang hindi ka nag-iisa.

Umaasa kami, sa pamamagitan ng modyul na ito, makararanas ka ng makahulugang pagkatuto at makakakuha ka ng malalim na pang-unawa sa kaugnay na mga kompetensi. Kaya mo ito!



## ***Alamin***

Pagkatapos ng araling ito, ikaw ay inaasahang makagagamit ng magalang na pananalita sa angkop na sitwasyon (pagbati, paghingi ng pahintulot, pagtatanong ng lokasyon ng lugar, pakikipag-usap sa matatanda, pagtanggap ng paumanhin, pagtanggap ng tawag sa telepono, pagbibigay ng reaksiyon o komento).



## ***Subukin***

Panuto: Piliin ang angkop na magalang na pananalita na dapat gamitin. Bilugan ang letra ng tamang sagot.


1. Nagmamadali ka sa pagpasok sa inyong paaralan. Sa iyong pagtakbo ay nabunggo mo at natumba ang isang batang babae. Ano ang iyong sasabihin?
  - A. Magandang umaga.
  - B. salamat
  - C. paalam
  - D. Pasensiya na, hindi ko sinasadya.
2. Kaarawan mo kaya binigyan ka ng regalo ng iyong ate. Ano ang sasabihin mo?
  - A. Magandang umaga po.
  - B. Salamat po.
  - C. Paalam po.
  - D. Pasensiya na po.

3. Magbabakasyon ka kasama ang iyong pinsan. Paalis na kayo, nasa kusina ang iyong nanay at tatay. Ano ang sasabihin mo sa kanila?
- A. Magandang umaga po.
  - B. Salamat po.
  - C. Paalis na po kami, paalam po.
  - D. Pasensiya na po.
4. Umaga nang makasalubong mo ang iyong guro. Ano ang sasabihin mo?
- A. Magandangumaga po.
  - B. Salamat po.
  - C. Paalam po.
  - D. Pasensiya na po.
5. Nasalubong mo ang iyong kaibigan. Nagpasalamat siya sa iyong ibinigay na regalo. Gustong-gusto niya ito. Ano ang sasabihin mo?
- A. Magandang umaga.
  - B. salamat
  - C. paalam
  - D. Walang anuman.



**Magagalang na Pananalita at  
Pagbati**

Magandang araw! Alam mo bang kinatutuwaan ng lahat ang batang marunong gumamit ng po at opo? Nais mo bang lalo ka pang kalugdan ng lahat? Alam kong isa kang batang magalang kaya magiging kaaya-aya para sa iyo ang ating aralin.

***Balikan***

Sa pag-unawa natin sa napakinggan o binasang teksto, natutuhan natin na mahalagang ito ay maiugnay natin sa ating karanasan. Mayroon akong inihandang isang sitwasyon para sa iyo.

Panuto: Basahin ang sitwasyon at isulat ang wastong sagot sa loob ng kahon.

Ikaanim ng gabi nang kayo ay pumunta sa bahay ng iyong lolo at lola. Kaarawan kasi ng iyong lolo kaya napagkasunduan ng pamilya na sabay-sabay kayong maghahapunan sa araw na iyon. Pagdating ninyo sa bahay nila ay agad kang sinalubong ng iyong lolo na nag-aabang sa labas. Ano ang iyong gagawin at sasabihin?

Blank writing area with horizontal lines.



## ***Tuklasin***

Likas sa ating mga Pilipino ang pagiging magalang. May mga magagalang na pananalita at pagbati tayong dapat na ginagamit. Halina at iyong basahin ang ilan sa mga iyan mula sa ating kuwento

### **Ang Umaga ni Lena**

Akda ni Cristina T. Fangon



Lunes, maagang pumasok sa paaralan si Lena, nasalubong niya ang katiwala ng kanilang paaralan.

“Magandang umaga po, Kuya Allan,” masayang bati ni Lena.

“Magandang umaga rin naman,” nakangiting bati ni Kuya Allan, ang katiwala ng kanilang paaralan.

Oras ng recess, bibili si Lena sa kantina. “Makikiraan po,” sambit niya habang dumaraan sa pagitan ng mga gurong nag-uusap.

Habang namimili ay natapakan ni Lena ang paa ng kanyang kamag-aral. “Naku pasensiya na, hindi ko sinasadya,” may pag-aalalang sabi niya.

“Ayos lang, hindi naman ako nasaktan,” tugon ng kanyang kamag-aral.

Sabay na bumalik ang magkamag-aral sa silid- aralan. Natapos ang umaga ni Lena ng walang naging problema.



## ***Suriin***

Isa sa magagandang katangian ng mga Pilipino ang pagiging magalang. Dapat itong ugaliin sa lahat ng oras at pagkakataon. Lahat ng tao ay dapat nating igalang.

Halika ating balikan sa kuwento ang ilang magagalang na pagbati at pananalitang ginamit.


Panuto: Sagutin ang sumusunod na tanong.

1. Sino ang bida sa ating kuwento? \_\_\_\_\_
2. Ano ang mga katangian ni Lena? \_\_\_\_\_  
\_\_\_\_\_
3. Ano ang sinabi ni Lena nang maapakan niya ang paa ng kanyang kamag-aral? \_\_\_\_\_  
\_\_\_\_\_
4. Sa palagay mo, ano ang mararamdaman ng kaklase ni Lena na kanyang naapakan kung hindi siya nanghingi ng paumanhin? Bakit? \_\_\_\_\_  
\_\_\_\_\_
5. Ano-ano ang mga magagalang na pananalita ang ginamit sa kuwento? \_\_\_\_\_  
\_\_\_\_\_



***Mga Tala para sa Guro***

Basahin ang mga sitwasyon sa mga susunod na Gawain. Ipagawa ang mga pagsasanay sa mag-aaral.



## ***Pagyamanin***

### **Pinatnubayang Pagsasanay 1**

Panuto: Makinig sa babasahing sitwasyon. Isulat sa iyong sagutang papel ang dapat mong sabihin.

1. Isang hapon, pagkagaling sa paaralan ay nakita mo sa labas ng inyong bahay ang iyong ina. Ano ang dapat mong dapat sabihin?

---

2. Natalisod sa paa mo ang iyong kapatid. Ano ang dapat mong dapat sabihin?

3. Nagpasalamat ang iyong kaibigan sa ibinigay mong regalo. Ano ang dapat mong dapat sabihin?


4. Galing ka sa bahay ng iyong kaibigan, hapon na kaya gusto mong magpaalam sa kanyang ina. Ano ang sasabihin mo?

5. Gusto mong kunin ang aklat sa sala, pero sa kinalalagyan ng aklat ay naroon ang nanay at tita mo na nag-uusap. Ano ang dapat mong dapat sabihin?

## Pinatnubayang Pagtatasa 1

Panuto: Ano ang sasabihin mo sa sumusunod na mga sitwasyon kung ikaw ang batang may kulay ang damit. Bilugan ang letra ng iyong sagot.

1.



A. Maraming salamat.

B. Pasensiya na, hindi ko sinasadya.


2.



A. Mano po, magandang gabi po.

B. Mano po, magandang umaga po.


3.



A. Kumusta ka na.

B. Makikiraan po.

4.



A. Aalis na po ako.

B. Patawad po.

5.



A. Maraming salamat.

B. Pasensiya na po.

## Pinatnubayang Pagsasanay 2

Panuto: Basahin ang sitwasyon. Isulat sa loob ng kahon ang dapat mong sabihin.

Araw ng Sabado, matapos mong mananghalian ay pumunta ka sa bahay nina Arman para gumawa ng inyong proyekto. Nakasarado ang kanilang pinto subalit naririnig mo rin naman na may tao sa loob. Ano ang iyong sasabihin at gagawin?




## **Pinatnubayang Pagtatasa 2**

Panuto: Isulat kung **tama** o **mali** ang sinasabi ng bawat bilang.

1. Ugaliing gumamit ng po at opo kapag nakikipag- usap sa nakatatanda sa iyo.
2. Huwag pansinin ang kaibigan mong matagal mong hindi nakita.
3. Bumati ng magandang araw sa iyong guro kung ito ay makakasalubong o makikita mo.
4. Laging magpasalamat sa taong nakagawa ng mabuti sa iyo.
5. Ugaliing manghingi ng paumanhin kung ikaw ay nakasakit.

## Malayang Pagsasanay 1

Panuto: Bilugan ang mga salitang nagsasabi na magagalang na pagbati at pananalita.

Magandang umaga po.

Makikiraan po.

Aalis na po kami.

Tumabi ka nga!

Alis!

## Malayang Pagtatasa 1

Panuto: Laygan ng tsek (✓) sa patlang bago ang bilang kung ang nakasulat ay magalang na pagbati at pananalita.

\_\_\_\_\_ 1. Salamat po.

\_\_\_\_\_ 2. Magandang gabi po.

\_\_\_\_\_ 3. Manahimik ka nga!


\_\_\_\_\_ 4. Kumusta po?

\_\_\_\_\_ 5. Walang anuman.


## Malayang Pagsasanay 2

Panuto: Ano ang iyong sasabihin sa sumusunod na mga sitwasyon? Isulat ang iyong sagot sa loob ng kahon.

1. Sa inyong paghahabulan ay naitulak mo ang iyong kapatid at siya ay nadapa.




2. Nasalubong mo isang umaga ang inyong punongguro.



3. Kaarawan mo kaya binigyan ka ng regalo ng iyong ina.



4. Nagpasalamat ang iyong kaklase sa pagpapahiram mo sa kanya ng iyong aklat.



5. Isang gabi umuwi ang tatay mo galing sa trabaho.



## Malayang Pagtatasa 2

Panuto: Ano ang iyong sasabihin sa sumusunod na mga sitwasyon? Piliin ang tamang sagot sa ibaba at isulat ito sa patlang.

- |                                     |                    |
|-------------------------------------|--------------------|
| * Walang anuman.                    | * Aalis na po ako. |
| * Magandang tanghali po.            | * Kamusta ka na?   |
| * Pasensiya na, hindi ko sinasadya. |                    |

1. Isang tanghali nasalubong mo ang iyong guro sa pamilihan. \_\_\_\_\_
2. Nagpasalamat sa iyo ang iyong kapatid dahil sa iniregalo mo sa kanyang laruan. \_\_\_\_\_
3. Nagkauntugan kayo ng iyong kaibigan nang sabay ninyong pulutin ang lapis. \_\_\_\_\_
4. Paalis ka nangbahayparapumasok sa inyong paaralan. \_\_\_\_\_
5. Nagkita kayo ng kaibigan mong matagal mo ng hindi nakikita. \_\_\_\_\_



### ***Isaisip***

Panuto: Isulat ang hinihingi sa bawat bilang.

1. Isulat ang mga magagalang na pananalita at pagbati ang natutuhan mo?
2. Gaano kahalaga ang paggamit ng magagalang na pananalita at pagbati?
3. Bakit kailangan tayong gumamit ng magagalang na pananalita?



## ***Isagawa***

Panuto: Piliin ang angkop na magagalang na pananalita sa para bawat sitwasyon. Bilugan ang letra ng tamang sagot.

1. Isang hapon, nasalubong mo ang nanay ng iyong matalik na kaibigan. Ano ang iyong sasabihin?
  - A. Magandang hapon po.
  - B. Salamat po.
  - C. Paalam po.
  - D. Pasensiya nap o, hindi ko po sinasadya.
  
2. Habang gumagawa kayo ng proyekto ay biglang natapakan mo ang isa sa mga gamit ninyo. Ano ang sasabihin mo sa iyong mga kagrupo?
  - A. Magandang umaga.
  - B. Salamat.
  - C. Aalis muna ako.
  - D. Pasensiya na, hindi ko sinasadya.
  
3. Mataas ang nakuha mong marka. Bilang regalo, binigyan ka ng bagong damit ng iyong ama at ina. Ano ang sasabihin mo sa kanila?
  - A. Magandang umaga po.
  - B. Maraming salamat po.
  - C. Aalis na po kami, paalam po.
  - D. Pasensiya na po.

4. Isang umaga, nakita mo sa pamilihan ang kapitan ng inyong barangay. Ano ang sasabihin mo?
  - A. Magandang umaga po.
  - B. Salamat po.
  - C. Paalam po.
  - D. Pasensiya na po.
  
5. Sa simbahan, napulot mo ang nalaglag na panyo ng isang ale. Iniabot mo ito sa kanya at siya ay nagpasalamat sa iyo. Ano ang iyong itutugon?
  - A. Magandang umaga.
  - B. salamat
  - C.paalam
  - D. Walang anumanpo.



## ***Tayahin***

Panuto: Piliin ang angkop na magalang na pananalita na dapat gamitin. Bilugan ang letra ng tamang sagot.

1. Nakabasag ka ng plato habang naghuhugas. Ano ang sasabihin mo sa iyong nanay?
  - A. Magandang hapon po.
  - B. Salamat po.
  - C. Paalam po.
  - D. Pasensiya na po, hindi ko po sinasadya.


2. Kaarawan ng iyong kaibigan ngunit kailangan mong umalis dahil kayo ay magsisimba. Ano ang sasabihin mo?
  - A. Magandang umaga.
  - B. Salamat.
  - C. Pasensiya na, kailangan ko nang umalis.
  - D. Pasensiya na hindi ko sinasadya.
  
3. Isang gabi, galing ka sa bahay ng iyong lolo at lola, sa iyong pag-uwi ay nakita mo si Aling Maria na inyong kapitbahay. Anong magalang na pagbati ang gagamitin mo?
  - A. Magandang gabi po.
  - B. Salamat po.
  - C. Aalis na po kami, paalam po.
  - D. Pasensiya na po.
  
4. Iniabot sa iyo ni Biboy ang lapis mong nahulog. Ano ang sasabihin mo?
  - A. Magandang umaga.
  - B. Maraming salamat.
  - C. paalam
  - D. Pasensiyana.
  
5. Naglalaro kayo sa labas ng bahay. Tinawag ka ng nanay mo para kumain. Ano ang sasabihin mo sa iyong mga kalaro?
  - A. Aalis ako.
  - B. salamat
  - C. Paalam, mauuna na ko.
  - D. Walang anuman.



## ***Karagdagang Gawain***

Panuto: Basahin ang sitwasyon at isulat ang iyong dapat sabihin at gawin.

Oras ng pananghalian, kumakain kayong magkakaklase sa loob ng silid-aralan. Tumayo ka upang kumuha ng tubig. Pagbalik mo, papunta sa iyong upuan, natalisod ka at tumapon ang hawak mong tubig sa iyong kamag-aral na kumakain din.



---

---

---

---





# Susi sa Pagwawasto

Pagyamanin	
<p><b>Subkin</b></p> <p>1. D 2. B 3. C 4. A 5. D</p>	<p>Magmamano po ako at sasabihing "Magandang gabí po, mailigayang kaarawan po;" (tanggapin ang sagot na katulad ng kaisipan)</p>
<p><b>Surin</b></p> <p>1. Lena 2. masayahin/palakibigan/magalang 3. Pasensiya na, hindi ko sinasadya. 4. Magagalit po kasi maaring nasaktan siya. 5. Magandang umaga po. Makikiraan po. Pasensiya na, hindi ko sinasadya.</p>	<p><b>Subkin</b></p> <p>1. D 2. B 3. C 4. A 5. D</p>
<p><b>Pinatnubayang Pagtatasay</b></p> <p>1. Magandang hapon po. 2. Pasensiya na, hindi ko sinasadya. 3. Walang anumang sinasadya. 4. Aalis na po ako. 5. Makikiraan po.</p>	<p><b>Pinatnubayang Pagtatasay</b></p> <p>1. B 2. A 3. B 4. A 5. A</p>
<p><b>Pinatnubayang Pagtatasay 2</b></p> <p>1. Magandang tanghali po. 2. Walang anumang sinasadya. 3. Pasensiya na, hindi ko sinasadya. 4. Aalis na po ako. 5. Kamusta ka na?</p>	<p><b>Pinatnubayang Pagtatasay 2</b></p> <p>1. B 2. A 3. B 4. A 5. A</p>
<p><b>Malayang Pagsasanay 1</b></p> <p>1. ✓ 2. ✓ 3. ✓ 4. ✓ 5. ✓</p>	<p><b>Malayang Pagsasanay 1</b></p> <p>1. Pasensiya na, hindi ko sinasadya. 2. Magandang umaga po. 3. Maraming salamat po. 4. Walang anumang sinasadya. 5. Magandang gabí po.</p>
<p><b>Malayang Pagsasanay 2</b></p> <p>1. A 2. D 3. B 4. A 5. D</p>	<p><b>Malayang Pagsasanay 2</b></p> <p>1. Pasensiya na, hindi ko sinasadya. 2. D 3. B 4. A 5. D</p>
<p><b>ISAISIP</b></p> <p>1. Po, opo, ho, oho * Kumusta po. * Makikiraan po. * Walang anumang sinasadya. * Pasensiya na, hindi ko sinasadya. * Magandang umaga, tanghali, hapon o gabí. * Salamat po o maraming salamat. * Palam po o aalis na po ako. * Mahalagang mahalaga po. 2. Mahalagang mahalaga po. 3. Para po matuwa sa atin ang lahat ng pagiging nakatanda po sa atin. Ito ay tanda ng pagiging magalang na isa sa mga magagandang katangian ng bawat tao.</p>	<p><b>Isagawa</b></p> <p>1. A 2. D 3. B 4. A 5. D</p> <p><b>Tayahin</b></p> <p>1. D 2. C 3. A 4. B 5. C</p>
<p><b>Karagdagang Gawain</b></p> <p>Pupunasan ko po ang natapon na tubig sa kanya at sasabihing, "Pasensiya na, hindi ko sinasadya."</p>	

## ***Sanggunian***

Garcia, Nilda S., Jackelyn F. Aligante, Melany B. Ola, Aida J. Cruz, Erlinda B. Castro, Virginia C. Cruz, Matilde N. Padalla, Galcoso C. Alburo, and Estrella C. Cruz. 2013. *Ang Bagong Pinoy Filipino 2 Kagamitan Ng Mag-aaral*. Pilipinas: Rex Book Store Inc.

Garcia, Nilda S., Jackelyn F. Aligante, Melany B. Ola, Aida J. Cruz, Erlinda B. Castro, Virginia C. Cruz, Matilde N. Padalla, Galcoso C. Alburo, and Estrella C. Cruz. 2013. *Ang Bagong Pinoy Filipino 2 Patnubay ng Guro*. Pilipinas: Rex Book Store Inc.

**Para sa mga katanungan o puna, sumulat o tumawag sa:**

Department of Education - Bureau of Learning Resources (DepEd-BLR)

Ground Floor, Bonifacio Bldg., DepEd Complex  
Meralco Avenue, Pasig City, Philippines 1600

Telefax: (632) 8634-1072; 8634-1054; 8631-4985

Email Address: [blr.lrqad@deped.gov.ph](mailto:blr.lrqad@deped.gov.ph) \* [blr.lrpd@deped.gov.ph](mailto:blr.lrpd@deped.gov.ph)